



Biologit siunnersuinerisa eqikkarneqarnera

Journal.: 20.00-11/2007

Brevnr.: 2339

Nuuk 8. november 2007

2008-imi Tunumi Kitaanilu raajartassat pillugit ilisimatuutut siunnersuutit.

Matumuuna 2008-imi Kitaani Tunumilu raajartassat pillugit ilisimatuutut siunnersuutit ilisimatitsissutigineqarput. Siunnersuutit NAFO/ICES-ip kingullermik ataatsimiinnerani 23. oktober–1. november 2007 Halifaximi pisumi suliarineqarput.

Kitaani:


2008-imi Kitaani raajartassat pillugit siunnersuutit annertuumik allannguuteqarput. NAFO-imi ilisimatuussutsikkut siunnersuisoqatigiit kaammattuutigaat 2008-imi pisat annerpaamik 110.000 tonsinngorlugit ikilisinneqassasut. Aammattaaq 2009-imi pisassat pillugit siunnersuutit suli ikinnerulerseqqinneqassasut ilimanarpoq.

Kitaani ukiuni kingullerni pisarineqartartut ukiumut 155.000 tonsinik amerlassuseqartarput (takuuk titartagaq 1 - canadamiut pisarisartagaat 4%-iniit ikinnerupput) 2008-imilu pisassat 110.000 tonsiusussatut kaammattuutigineqarlutik 30%-imik ikileriarput.


Allannguisoqarnissaa ilimagineqareersimavoq, ukiunilumi kingullerni siunnersuisarnerni raajat ikiliartornerat malugeqquneqartarpoq. Raajat 1990-ikkunniit 2003-imi amerlatsilluinnarnissamik tungaannut amerliartuinnarsimapput, taamanernilli ikiliartulersimallutik. Aammattaaq raajaaqqat qallorneqarsinnaalersussat ukiut qassiit ingerlaneranni ikittuinnaasarsimapput. Tamakku pillugit aaleqquteqarnissamut pissutissaqarpoq (takukkit titartakkat 3 aamma 4).

Paasissutisat ilisimatuussutsikkut misissuinerneersut aalisarnermeersullu raajat siamarsimaffiata annikiliartorneranik tamarmik takutitsipput, raajallu massakkut annermik Sisimiut avannaanni naammattuugassaalersimallutik. 2007-ip tungaanut raajartat amerlasaraluartut taamaattoq aalisarneq piffimmi annikitsuinnarmi pisarmat pisat raajaqassut sip allanngoriartorneranik takutitsinngillat.


Ilanngussaq 1-imi NAFO-imiit siunnersuutit eqikkarnerisa tuluttoorneri atuarneqarsinnaaput. Pinngortitaleriffik katillugit qulinik siunnersuuteqarnermi tunngavigineqartunik allakiorsimavoq.




Titartagaq 1. Pisat tamarmik



Titartagaq 2. Raajat akulikissusi



Titartagaq 3. Misissuinerni raajat amerlassusii.



Titartagaq 4. Raajaaqqat aalisarneqarsinnaalersussat.

Tunami:

Tunup raajaanit 2008-imi pisassatut siunnersuutit 12.400 tonsiullutik siorna siunnersuutigineqartutulli amerlassuseqarput. Pisassiissutit 2004-imi 12.400 tonsiutinneqartarput. 2004-imiit 2006-imut pisarineqartartut 10.000 tonsiniit 5.000 tonsinut ikileriarsimapput. Tamaani ilisimatuussutsikkut misissuisoqarsimangimmat paasisutissat aalisarnerinarnit pisuupput (tassa umiarsuit allattaavii naapertorlugit pisat akukilissusii pillugit paasisutissat). Pisarineqartartut naapertorlugit raajat aalaakaasumik amerlassuseqaraluartut taamaattoq pisarineqartartut raajat amerlassusiisa allanngoriartornerannut ilumut ersersitsisuunersut nalorninarpoq. Nalorninarerannut pissutaaqataannngitsuunngilaq pisat ikinnerulersimanerat raajat iluanaarnannginnerulersimanerannik imaluunniit raajat ikiliartulersimanerannik pissuteqarnerseq nalunarmat.

Pinngortitaleriffik kattuffinnut tusagassiorfinnullu piaartumik paasisutissiiffiusumik ataatsimiititsiumaarpoq. Tusagassiorfinnut nalunaarut sapaatit akunnerat 46-imiit Pinngortitaleriffiup nittartagaani kalaallisut qallunaatullu atuarneqarsinnaalissaaq: www.natur.gl.

Assagiarsuit pillugit ilisimatuutut siunnersuutit novemberip naanerani saqqummiunneqarumaarput.

Inussiarnersumik inuulluaqqusillunga
Helle Siegstad